

Роббимиз ҳар нарсага ўз яратилишини берган



Роббимиз ҳар нарсага ўз яратилишини берган

09:00 / 13.01.2022 2257

Фан тилида мимикрия ёки камуфляж деб аталадиган ҳолат расмда акс этган.

Бунда жонзот ўзи турган жойга, ўзини ўраб турган муҳитга мослашади.

Бундай мослашиш душманнинг ҳужумидан сақланишга, ов пайтида ўлжани қочириб, чўчитиб юбормасликка сабаб бўлади.

Мимикрия ҳолатида жонзотни дарахтлар, шохлар орасидан таниб олиш қийин бўлади.

Шимолий қутбда яшайдиган айиқ, қуён, укки каби жонзотлар нега оппоқ бўлишини тушунгандирсиз.

Бойўғлининг муҳитга мослашишини кўриб турибсиз. Ажойиб-а, тўғрими?

Қани айтингчи, бойўғли дарахтларга шунчалик ўхшаш илмини, илҳомини ўзи ўйлаб топганми? Йўқ, албатта! Унга бу қобилиятни Буюк Мусаввир Зот ато этган.

Бу каби қушларга ов пайтида ўлжасини чўчитиб юбормаслик, душманнинг ҳужумидан сақланиш учун ўзига хос услубни, яъни ана шундай мослашишни ва уни қўллаш қобилиятини, техникасини ато этган кўр табиат эмас, балки Аллоҳ таолонинг Ўзидир! У Зот Қуръони Каримда

шундай деб марҳамат қилган.

أَيُّكُمْ أَكْبَرُ نَمَّ لِقِ
أَيُّكُمْ أَكْبَرُ نَمَّ لِقِ

«У (Фиръавн): «Иккингикининг Роббинги ким, эй Мусо?» - деди. У: «Роббимиз ҳар нарсага ўз яратилишини берган ҳамда уни ҳидоятга солган Зотдир», - деди» (Тоҳо сураси, 49-50-оятлар).

Умар розияллоҳу анҳудан ривоят қилинади: «Расулуллоҳ соллаллоҳу алайҳи васалламнинг: «Агар сизлар Аллоҳга ҳақиқий маънода таваккал қилганингизда, У зот қушни ризқлантиргани каби сизларни ҳам ризқлантириб қўяр эди. У қушлар қорни оч кетиб, қорни тўқ бўлиб қайтиб келади», деб айтганларини эшитдим».

Имом Термизий ривоят қилиб, ҳасан ҳадис, дедилар.

Агар биз ҳам Аллоҳ таолога қушлар каби ҳақиқий маънода таваккул қилганимизда, У Зот бизни қушларни ризқлантиргани каби ризқлантирган бўларди.

Сўзимизни мана бу оятлар билан яқунлаймиз. Аллоҳ таоло Қуръони Каримда шундай деб марҳамат қилган:

يَذُرُ الْجَلَالَ عُنُصًا ۝ بِأَحْسَنِ مَا رَمَى رُمَاتِ يَهْوَى ۝ ذِمَّاجٍ أَوْ بَسْحَتٍ لَّابِجًا لَّيْرَتًا ۝
نَوَّلَعَفَاتٍ أَمْ بُرِّيْبَخُ ۝ إِنِّي شَرُّكُمْ نَقَاتًا

«Тоғларни кўриб, қимирламай турибди, деб ҳисоблайсан. Ҳолбуки, улар булутнинг ўтишидек ўтурлар. Бу ҳар бир нарсани пухта қиладиган Аллоҳнинг санъатидир. Албатта, У нима қиляётганингиздан ўта хабардордир» (Намл сураси, 88-оят).

لَا يَضُرُّكَ إِذَا طَلَّ لَبًا ۝ وَنُودٍ نَمَّ نِيْدَلًا ۝ قَلَخَ إِذَا مَ يَنُورُ أَفِ الْجَلَالَ قُلُوحَ إِذْهُ
نِيْبُم

«Бу Аллоҳнинг яратганидир. Қани, Менга кўрсатинг-чи, Ундан бошқалар нимани яратдилар. Йўқ! Золимлар очиқ-ойдин адашувдадирлар» (Луқмон сураси, 11-оят).

قُلُوحَ الْجَلَالَ ۝ نَمَّ نِيْدَلًا ۝ قَلَخَ إِذَا مَ يَنُورُ أَفِ الْجَلَالَ قُلُوحَ إِذْهُ
نِيْبُم

«Уларга ҳам уфқлардаги, ҳам ўзларидаги оят(белги)ларимизни яқинда кўрсатамиз. Токи, уларга унинг ҳақлиги равшан бўлсин.

Роббинг ҳар бир нарсага шоҳид экани кифоя қилмасми?!» (Фуссилат сураси, 53-оят)

Аллоҳ таоло бу оятда бизни ўраб турган борлиқда ва танамизда Ўзининг борлигига ва бирлигига далолат қиладиган далиллар, ишораларни келажакда намоён қилишини баён этапти. Ушбу далиллар, ишораларни ўрганган ва улар ҳақида тафаккур қилганларга Қуръони Каримнинг ҳақлиги ва Пайғамбаримиз соллаллоҳу алайҳи васалламнинг ҳақ пайғамбарликлари ойдинлашади.

Ҳар бир нарсани керакли аъзо, жиҳоз, имконият билан яратган Аллоҳ таоло барча айбу нуқсонлардан покдир!!!

Аллоҳ таоло барчамизни кучли таваккул соҳиби бўлишимизни, Унинг яратганларига тафаккур кўзи ила боқиб, ибрат олишимизни ва юқори даражадаги ихлос билан ибодат қилишимизни насиб этсин!

Интернет маълумотлари асосида Нозимжон Ҳошимжон тайёрлади